

Jiwa gersang dipanah asmara

Majoriti mangsa Mat Afrika kebas RM101 juta wanita Melayu

Oleh Kalidevi Mogan Kumarappa
kalidevi@hmetro.com.my
Kuala Lumpur

Berbuih nasihat dibe-rikan, malah sudah acap kali kes dide-dahkan media. Bagaimanapun ramai golongan janda dan anak dara lanjut usia terus diperdaya setiap hari oleh sindiket cinta Afrika.

Lebih mengejutkan apabila statistik dikumpulkan polis menunjukkan majoriti 339 mangsa yang ditipu 'kahwin olok-olok' ini adalah dalam kalangan wanita Melayu.

Hati mereka dikatakan mudah 'cair' hingga menjadi begitu pemurah hingga di-tipu kekasih alam maya membabitkan jumlah lebih RM101 juta sejak tiga tahun lalu.

Ketua Jabatan Siasatan Jenayah Komersial (JSJK) Kuala Lumpur, Asisten Komisioner Izany Abd Ghani berkata, seramai 339 daripada 581 mangsa yang terpedaya dengan 'kaki auta' warga Afrika di Kuala Lumpur sejak 3 tahun lalu adalah berbangsa Melayu.

Menurutnya, siasatan pihaknya mendapati wanita tempatan khususnya wanita Melayu begitu mudah percaya dan terpedaya dengan



WANG tunai yang dirampas daripada anggota Afrika Scam.

laman sosial itu sudah cukup untuk membuat mangsa jatuh cinta dan menyerahkan jiwa raga kepada suspek," katanya.

Beliau berkata, suspek bijak bermain dengan perasaan mangsa dengan kerap menghantar ayat-ayat cinta dan madah.

"Sebagai contoh, suspek gemar menghantar madah cinta popular antaranya 'This feeling of love that I hold within my heart for you runs deeper than any ocean' (Perasaan cinta saya terhadap awak lebih dalam dari lautan).

"Ayat ini sudah cukup membuat mereka ini hilang pertimbangan dan dibuat cinta. Akhirnya mereka akan menyerahkan wang diminta suspek tanpa rasa curiga," katanya.

Pakar 'bersatu'

Kuala Lumpur: Pakar teknologi maklumat (IT) dan pakar 'jerat cinta' di-kesan bergabung tenaga untuk memerangkap mangsa dalam kalangan rakyat negara ini.

Modus terbaru dikenal pasti polis itu tambah membimbangkan apabila ribuan rakyat Malaysia di-jangka menjadi mangsa membabitkan kerugian melebihi RM100 juta tahun ini.

Jabatan Siasatan Jenayah Komersial (JSJK) mengesan dua sindiket penipuan utama didalangi warga

asing mula bergabung untuk memperoleh keuntungan lebih besar.

Timbalan Pengarah Riskan Operasi JSJK, Senior Asisten Komisioner Roslan Abd. Wahid berkata, sindiket penggodam warga Afrika berpangkalan di Malaysia kini mula bergabung dengan sindiket 'Love Scam' yang mengembangkan kegiatan.

Beliau berkata, pihaknya menyedari taktik berkenaan berdasarkan beberapa siri kejadian penipuan membabitkan mangsa tempatan.



“Siasatan polis mendapati, perkenalan singkat melalui laman sosial sudah cukup untuk membuat mangsa jatuh cinta dan menyerahkan jiwa raga kepada suspek”

Izany Abd Ghani

Beliau berkata, suspek biasanya memperdaya mangsa dengan mendakwa menghantar bungkusan hadiah berharga ke Malaysia sebelum meminta mangsa membayar duti import yang tidak wujud.

"Selain itu suspek turut menggunakan taktik menagih simpati mangsa memberikan wang kononnya untuk mengembangkan perniagaan atau menampung kos perubatan.

"Sindiket ini masih didalangi individu sama berasal dari Nigeria, Uganda, Zimbabwe, Liberia, Sierra Leone

dan Ivory Coast yang mula dikesan sejak 1995," katanya kepada wartawan Harian Metro.

Menurutnya, kes penipuan 'African Scam' di Kuala Lumpur adalah antara yang tertinggi di negara ini berikutan ia menjadi kawasan penipuan rakyat dari seluruh negara untuk 'mencari makan'.

"Jenayah penipuan ini terus berlaku saban tahun dan jumlah kerugian meningkat setiap tahun. Seramai 189 individu menjadi mangsa penipuan membabitkan kerugian RM49.38 juta pada tahun 2013 dan 109 mangsa adalah wanita Melayu.

"Jumlah kes dan kerugian pada tahun 2014 menurun apabila 178 orang tertipu membabitkan kerugian RM22.03 juta. Bagaimanapun hampir separuh atau 98 mangsa adalah bangsa Melayu," katanya.

Beliau berkata, bilangan kes pada tahun lalu meningkat menjadi 214 kes dan 132 mangsa adalah wanita Melayu.

"Kerugian dicatatkan pada tahun 2015 adalah sebanyak RM29.96 juta. Walaupun sudah ramai wanita menjadi mangsa penipuan ini, namun ia tidak menunjukkan penurunan.

"Polis melakukan kempen kesedaran dan pencegahan berhubung bahaya 'African Scam'. Sayangnya ramai mudah diperdaya. Kebanyakan mangsa golongan wanita kesepian, ibu tunggal dan tidak terkecuali golongan profesional dan wanita bergelar isteri," katanya.

ayat cinta lelaki warga Afrika ini.

“Tidak pasti sama ada mereka amat terdesak mencari cinta atau teman hidup. Bagaimanapun mereka akan melayan suspek yang biasanya menyamar sebagai lelaki Eropah.

“Siasatan polis mendapati perkenalan singkat melalui

STATISTIK KES PENIPUAN AFRICAN SCAM DI KUALA LUMPUR (2013 - 2015)

TAHUN	BIL KES	KERUGIAN
2013	189	RM49.38 JUTA
2014	178	RM22.03 JUTA
2015	214	RM29.96 JUTA

MODUS OPERANDI (2013 - 2015)

PARCEL SCAM	245
BLACKMONEY	15
LOVE SCAM	154

BILANGAN MANGSA MENGIKUT BANGSA DAN JANTINA (2013 - 2015)

MELAYU	339	(L 131, P 208)
CINA	120	(L 52, P 61)
INDIA	40	(L 16, P 26)
LAIN2	82	(L 28, P 59)

PECAHAN UMUR MANGSA (2013 - 2015)

15 - 30	136
31 - 40	168
41 - 50	152
51 - 60	87

PEKERJAAN MANGSA

AWAM	64
SWASTA	350
TIDAK BEKERJA	100
PELAJAR	18